

22
DE

21

IVRE EPISCOPORVM INNOVANDI FVNDATIONES ECCLESIASTICAS

COMMENTATIO

QVA

ORATIONI SOLENNI

PROPTER IVRIS PROFESSIONEM ORDINARIAM

REGIS AVGVSTISSIMI

INDVLGENTIA SIBI DECRETAM

D. XXVII DEC. HORA XI

IN AUDITORIO PVBLICO

HABENDAE

PROLV DIT

FRIDERICVS BOEHMER.

GOTTINGAE,

LITTERIS IOAN. CHRIST. DIETERICH.

1774
MDCCLXXXIV.

I.

INNOVATIONIS FVNDATIONVM ECCLESIASTICARVM
DEFINITIO ET DISTRIBVTIO.

Fundationes ecclesiasticas, hoc est, instituta, vel cultus diuini, vel pietatis exsequendae gratia, ex rerum, piorum hominum liberalitate et munificentia collatarum subsidiis, auctoritate ecclesiastica erecta seu condita, quo pertinent ecclesiae, Religiosorum sodalitiae beneficia orphanotrophia rel. fundationes igitur ecclesiasticas dicimus *innouari*, quum, quod iis legibus ac conditionibus, quibus illae sunt institutae, repugnat, auctoritate publica, siue ecclesiastica illa sit, siue ciuilis, suscipitur. Atque illud variis quidem modis contingere potest, vel ita, vt *soluta et integra* relinquatur fundatio, vel vt *aboleatur*, quod extremum *innouandi* genus *suppressionis* seu *extinctionis* nomine distingui solet. Ad illud superius autem quod attinet, in eo sunt tum *imminutio*, quae efficitur eo, si de iuribus, quae qualitercunque ad fundationem pertineant, aliquid detrahitur aut diminuitur: tum *retentio*, quae versatur in reditu et prouentu, quo ipso continentur ea, quae in fundatione dicuntur *temporalia*, per aliquod tempus aliis vñbus ecclesiasticis impendendo:

A

tum

tum *reformatio*, quae *spiritualia*, v. c. officium ecclesiasticum, propter beneficium, quod quis habet, obeundum, afficit, in eoque cernitur, si illa ipsa vel ad cultum dei aliquem sinceriorem atque castiorem, vel ad consilia ecclesiae salubriora accommodantur: tum *sectio*, qua ex vna foundatione fiunt plures: tum denique *unio*, cuius vis haec est, vt altera alteri fundatio eo consilio iungatur, vtriusque procuratio vt penes rectorem sit eundem.

Est autem vnionis descriptio duplex: fieri enim potest vel *salua* vel *exstincta* foundatione. Atque *integrae* quidem foundationis cum altera coniunctio *strictiori* vocis acceptione *unio* dicitur. Cuius generis, propter diuersam qua inter se copulantur foundationes rationem, duae iterum secernendae sunt formae: vna earum vnionum quibus altera alteri fundatio *pari* prorsus *iure* iungitur: altera earum, quibus in iis, quae pertinent ad foundationem administrandam, alteri altera quodam modo fit *obnoxia*. Quarum quidem illae *aequales*, hae *inaequales* seu *subiectivae* dicuntur. Quodsi vero ita fit unio, alterutra vt aboleatur fundatio, locus esse dicitur *unioni suppressivae*.

Sed innouandarum foundationum istud genus, cui nomen *suppressioni* esse diximus, duplici ratione perfici et absolui potest: vel ita, vt exstinctae foundationis res atque bona *ecclesiastica* permaneant, vel vt fiant *profana*. Atque hoc *secularisatio*, seu *profanatio* dicitur *propria* vocabuli acceptione a), illud

a) Nam significatione aliqua *impropria* secularisationis et profanationis vocabulo tum etiam vtimur nos quidem Evangelici, quum imperii *civilis* auctoritate extinctae

illud hæud incommode *translationem* dixeris. Cuius quidem non vna eademque est ratio, quandoquidem de foundationis extinctæ bonis vel ita statui possit, vt ad foundationem aliquam *iam constitutam* transferantur *b)*, vel vt ipforum præsiidiis *noua* instituatur fundatio, vel denique, vt non *pæculariter* illa *singulari* alicui instituto assignentur, sed ex eorum prouentu *uniuersæ* rei ecclesiasticæ consulatur. Hæc sunt innouandarum foundationum quæ maxime celebrentur genera atque formæ *c)*.

II.

I N S T I T V T I R A T I O .

Sed quum de foundationibus innouandis varia possit institui disputatio: quaeri enim potest, vt potiora rerum capita afferam, vel *utrum omnino*, quibusque de *causis* et *rationibus* foundationes ecclesiasticas innouare liceat, vel de innouandi

A 2

illas

extinctæ alicuius foundationis bona aliis publicis vñibus ita accommodantur, vt iuris maneat *ecclesiastici*. Vid. CLAPROTH. *Diff. de natura bonor. secularisator*. §. 2. PARENIS *Ven. in princip. iur. can.* §. 586. Nos autem per huius libelli decursum propriam istorum vocabulorum acceptionem sequutos esse, admonendi sunt lectores.

- b)* Quod translationis genus ad vnionem suppressiuam, latius quidem vnionis vocabulo accepto, iuris canonici scriptores referre solent. V. AUVI *Ven. ius Prot. eccl. Tom. II. l. 3. t. 5. §. 192.*
- c)* Eorum quidem omnium, vti in aliis iuris Canonici systematibus, ita potissimum in PARENTIS *Ven. huius discipline principis tit. de iure circa innouationem beneficiorum*, habetur recens, sed ita, vt quæ innouationum formæ omnibus omnino foundationum generibus pro consilio nostro accommodanda nobis esse videbantur, illa de vno tantum alteroue genere, beneficiorum maxime, prout vnuscunque scriptoris ferret consiliu, proposita reperiantur.

illas *iure et potestate*, penes quem sit, vel denique de modo atque effectu: quum igitur varie de foundationum immutatione disputari possit, mihi quidem, cui propter iuris professionem in hac Academia ordinariam, REGIS AVGVSTISSIMI ATQVE INDVLGENTISSIMI decreto ac iussu delatam, publicae huius beneficii commemorationi et solenni orationi ex maiorum instituto suscipiendae, pro consuetudinis nostrae aequitate, commentatiuncula aliqua proludendum sit, vt iustae huic consuetudini obtemperem, non omnes quidem huius loci partes, ne terminos huic differendi generi praescriptos euagari videatur oratio, sed illud tantummodo disputandi genus, quod in foundationum innouandarum *iure* versatur et *potestate*, hac scriptiuncula qualitercunque persequi propositum est. Etenim, quum nostra memoria nonnulli ecclesiae Catholicae per Germaniam Praefules, IOSEPHI, Imperatoris Summi Potentissimique exemplo et auctoritate maxime moti Religiosorum celebritates, hoc est, instituta, quae non tam deprauata et a primaeua sua formula ac ratione deflexa, quam suo genere et natura humanitati atque pietati aduersa esse vero harum rerum aestimatori videri debent, non pro suis quidem commodis, sed rei ecclesiasticae et scholasticae meliori consilio consulendae gratia, per suas cuiusque terras si non abolere, at circumscribere tamen vel iam instituerint, vel certe apud animum induxerint: non tam de primo ac tertio genere, quae quidem non adeo impedita esse viderentur, quam de *innouationem* maxime *suppressionem* suscipiendi iure, quod quidem in altero genere positum a nobis erat, vtrum *solius Episcopi* illud sit, an is in eo vsurpando *Pontificem Romanum, Imperatorem, Principem* in cuius ditione sit Monasterium, *Capitulum* denique ex
iuris

iuris tam Canonici quam publici decretis consulere obstringatur, inter ipsos quidem *Catholicos* a) potissimum dubitari animaduertimus b). Ne tamen huius scriptionis angustiae consilium nostrum nos non accommodasse videamur, rerum tantum summas, illius quidem generis, quod innouandarum fundationum habetur grauissimum, *suppressionis* igitur, ratione maxime habita, ipsa tamen *profanatione* a nostro instituto seiuncta et remota, pro virium nostrarum tenuitate exsequi in animo nobis est.

a) Enimvero inter *nostrates* SCHLETTWEINIVS, Vir humanissimus, celebratissimam istam Monasteriorum Moguntinorum abolitionem aegerime ferens, in libello, hoc ipso anno vulgato, qui inscribitur *die Gerechtigkeit in Absicht auf die Klöster* Monasteriorum causam (maxime aduersus ROTHIVM, scriptorem Moguntinum, cuius quidem nomen satis illustravit nobilis illa de bonis Monasteriorum istorum per exteras terras sitis, suscitata controuersia) ita tuendam suscepit, vt emendanda, haud abolenda esse ins fasque existimaret. In quo quidem, quae summa est in eo Viro, humanitatem probo, at illud tamen arguendum esse videtur, quod a consiliis, quae Catholicorum Principes nonnullos de re monastica delenda cepisse merito laetamur, eos quasi reuocare apud animum iuduxerit — quae profecto improbare non possumus, quin maiores nostros, qui sacrorum instauratorum tempestate eadem sequi consilia aequum duxerint, redarguendos et accusandos praebemus. Quod autem Vir humanissimus correctione aliqua adhibita conseruanda censet esse Monasteria, illud veror sapienter vt fiat, in iussu et per se vauo et retractionis haud facile patiente.

b) Rem pergratam contigisse mihi profiteor, ea quum scripsissem, in ROTHII modo laudati elegantissimi libelli, qui inscribitur *Vertheidigung der rechtlichen Staatsbetrachtungen* etc. p. 119. locum me incidisse, vbi illud ipsum quaerendi genus, an Episcopus Pontifice Rom. et Imperatore inconsultis fundationes abolere possit, elegantia et grauitate sua peculiari dignum esse commentatione pronuntiaret. Cuius quidem Viri subrilicati, quod ipse ad facipiendum praeclarum esse duxit consilium, illud, quatenus, ego quidem exlequantur fuero, proleatur, vehementer cupio.

FVNDATIONVM ECCLESIASTICARVM PER ECCLESIAM
ROM. CATHOLICAM INNOVANDARVM POTESTA-
TEM ESSE EPISCOPORVM.

Quum igitur huius disputationis ratio in eo posita sit, vt, cuiusnam per ecclesiam Rom. Catholicam, maxime Germanicam, foundationes ecclesiasticas innouandi ius sit atque potestas: hac via et ordine procedat oratio, vt primum Episcoporum illud esse doceamus, deinceps, vtrum aliorum quoque, illorum videlicet, quos supra commemorauimus, aliquae rerum ecclesiasticarum innouationis sint partes, quaeramus. Atque Episcoporum foundationum nouandarum esse ius tam ex naturali, quam canonico iure haud difficili negotio effici posse videtur.

Quodsi enim ex ipsis *rerum naturis* ducitur ratio, cuius per ecclesiam vti vniuersum omnino sacrorum ius, ita nominatim foundationum institutio et confirmatio est, eiusdem est quoque innouandi eas potestas; vt itaque haec ecclesiarum Praefulibus tribuenda esse intelligatur a). Quum enim vnumquodque foundationis ecclesiasticae genus vim capiat omnem ab ecclesiarum Praefulum auctoritate seu *erectione*, nec vlla pro *simpliciter* adprobata et constituta haberi possit, sed in omni instituti alicuius ecclesiastici confirmatione haec tacita lex, si illud ecclesiae saluti noxae futurum non sit, inesse putanda sit: facile intelligitur, posse ecclesiarum Praefules, non quidem pro

a) Ecclesiarum Praefulum auctoritate opus esse in vniuersis docet ESPEN. in *instit.* I. E. P. II. S. 3. c. 12. c. 1. §. 17.

pro arbitrio, at ex iusta tamen et graui causa, quas foundationes ecclesiae bono non satis accommodatas, eique exitiosas, aut cultui superstitioso et vano dicatas, aut rerum copia et affluentia, quasi mole, suo aliorumque institutorum malo, laborare, aliis contra institutis ecclesiae multo salubrioribus non bene egentibus, reperierint, has igitur foundationes innovare posse ecclesiarum Principes apparet; nisi cui forte illud omnino dubium esse videatur, per societatem aliquam, in plura singularia fodalitia descriptam, haec ipsa sine eius, penes quem summa rerum est, iussu et auctoritate, non posse institui, et si instituuntur, hoc ita fieri, si vniuersae societatis saluti non repugnet.

Neque vero his ex iuris naturalis ea parte, quae *socialis* dicitur, petitis rationibus aduersa sunt iuris *canonici* decreta. Quamquam enim foundationum innouationes *vniuerse* quidem prohibent, easdem ex *iustis* tamen *causis* permittunt *b)*; quin

- b)* Decretorum de non temere innouandis foundationibus satis idonea consilia iuris canonici auctoribus hactenus quidem proposita fuisse intelligitur, quatenus cum illud spectarent, ne cultus diuinus damni aliquid faciat, tum illam *aequitatis* certe et *prudentialis* rationem sequerentur, qua fundatorum consiliis, legibusque, quas hi largitionibus suis dixissent, obtemperandum esse ducerent. Sunt autem, quibus de singulis innouationum generibus vel interdicitur vel interdictum esse ponatur et agnoscatur, iuris canonici potiora haec loca: de *imminutione* c. 7. X. de *cessibus*: de *vnione* c. 33. X. de *praetendis*: de *seclione* c. 8. 20. 21. 25. 26. 36. X. eod. quam quidem, quum viet natura sua ad Clericorum opes augendas haud adeo comparata sit, vnione frequentius prohibitam esse, non est, quod mireris: de *suppressione* denique c. 12. X. de *constitutionibus*. Enimvero non desunt decreta, quibus ex iusta causa fieri innouationes permittatur. Sic nominatim permitti *imminutio* c. 10. X. de *praetendis* *vnio* c. 33. eod. *seclio* c. 26. eod. *suppressio* denique c. 8. X. de *constitut.* et *Conc. Trid.* cap. 15. *sess.* 24. de *reform.* Sed iusta innouandarum foundationum causa, quum quidem

quin ipsam fieri sinunt rerum profanationem, dummodo vel ipsius ecclesiae necessitatis aut utilitatis, vel pietatis ratio intercedat c). Sed cuinam alii per dioeceses, in quas descripta est Romana ecclesia, haec innouandi facultas attribuenda est

quidem canones requirunt, vniuersae quidem ex cap. 33. cit. ita constitui potest, ut in euidenti ecclesiae vel necessitate, vel utilitate ponatur. At vero quodnam illud ipsum sit, quod ecclesiae commodum atque salutare esse videatur, eius iudicium et arbitrium his, penes quos sacrorum est cura ac moderatio, ita quidem relinquenda est, ut non tam illud, quod aliquando tempestate aliqua rudiori et incultiori cum ipsi ecclesiae, tum rerum largitoribus, conducere visum sit, quam quod nostrae memoriae hominum humanitati, et sapientiae de vera ecclesiae ratione atque utilitate videatur, spectandum sit. Sed quid multa, quum ipsi Catholici scriptores palam prae se ferant, fundationes ex iusta causa innouandi ius extra omnem in sua ecclesia positam esse dubitationem. Laudasse sufficit ROTHVM l. c. p. 110. sq. contra quem disputare SCHLETTWEINVM supra occupauimus. Cf. quoque BEHLEN in disp. de causis secularisationum illegitimis et legitimis §. 50. quae quidem habetur in SCHMIDTII thesauri iur. eccl. Tom. VI. et Vbaldi Giralaldi a Sto. CAIETANO expositio iuris Pontificii iuxta recentiorum ecclesiae disciplinam p. 279.

- c) Nec prorsus improbari iure Canonico profanationem, cum ex eo colligitur, quod rerum ecclesiasticarum in laicos alienatio vel ex ipsius ecclesiae vel necessitatis, aut utilitatis causa c. 53. C. 12. qu. 2. c. 8. X. de rebus ecclesiae alienandis vel non alienandis, vel etiam ex pietatis causa permittitur. C. 12. q. 2. c. 14. 15. 19. 52. 70. cf. EYBEL Vir. Celeb. in introd. in ius eccl. Cathol. tom. 4. p. 439 et 444. tum etiam inde intelligitur, quod, quum aliquando eiusmodi reip. tempora inciderint, ut necessitate aliqua circumueniatur, aut magna eius utilitas vertatur, laicorum opes, si non suffecerint, ex rerum ecclesiasticarum subsidiis reip. subueniri posse, duorum conciliorum Lateranensium auctoritate decretum esse, c. 4 et 7. X. de immunitate ecclesiarum reperitur; quod quum Bonifacius Pont. R. deinceps c. 3. in 6. cod. abrogare ausus sit, idem tamen restituit Clemens P. R. c. vn. cod. et in 6 et inter Extran. comm. cf. BEHLEN l. c. §. 82. sq. Quapropter rerum ecclesiasticarum profanationem ex iusta quidem causa fieri posse tuetur ROTH. l. c. [p. 116.

est nisi *Episcopo*? d) Is enim per dioecesim sibi assignatam potestatem ecclesiasticam, et Metropolitano et Pontifici Romano obnoxiam quidem, at plenam tamen atque integram ita tenet, ut quaecunque ei iura, nominatim ad fundationes, natura sua insunt, ad ius eius dioecesanum pertineant, nisi quaedam vel detracta vel imminuta esse, *certa et euidenti* ratione doceri possit e). Quibus vero, innouandi potestatem ut accenseant, adeo sunt alieni canones, ut cuique Ordinario, hoc est, qui iure dignitatis potestate pollet ecclesiastica, vniendi facultatem diserte relinquunt. Ita enim Cap. 8. X. *de excessibus praelatorum* decernit *Coelestinus* III. Pontifex „sicut *unire* „*Episcopatus*, atque potestati *subiicere* alienae, ad summum „*Pontificem* pertinere dignoscitur; ita *Episcopi* est ecclesiarum „*suae dioecesis unio et subiectio* earundem.“ Vnde patet, quemadmodum Pontificis pro ea, quam per vniuersam ecclesiam Rom. Catholicam tenet, potestate, *maiorum* fundationum sit unio; quo pertinent praeter Episcopatus f), Religiosorum quoque ea genera, quae nemini in ecclesia praeterquam sedi Romanae parent; ita *minorum* per dioeceses fundationum vniendi ius pro iure cuiusque dioecesano pertinere ad Episcopos.

Sed

- d) ESPENIUS in *iur. eccles. vniuers.* P. II. S. 3. t. 12. c. 1. §. 20. ROTHIVS l. c. p. 116.
- e) C. 16. *de officio iud. Ordin.* cf. si modo opus est in re clara auctoritatibus, ESPENIUM l. c. FEBRONIUM in vulgatissimo libro, iuris episcopalis vindice, *de ecclesiae statu* tom. II. p. 273. 321. et Nicol. KALESIVM in *disp. de potestate Episcoporum primigenia et solida suas regendi dioeceses* §. 3. 8. a. 1760. *Herbipole* edit. apud SCHMIDT in *Thes. iur. eccles.* Tom. 2.
- f) C. 4. X. *de officio legati. Conc. Trid. sess. 24. de reform.* c. 13. cf. Petr. de MARCA *de concordia sacerdotii et imperii* l. 4. c. 13. addit. Baluz.

Sed quum *Coelestini decretum* unionem tantum exprefferit, quae de ea statuit, ea uti ad omnes huic generi subiectas formas, ita quoque ad reliquas innouandarum foundationum speciestransferenda est: si modo a summis et similibus rerum generibus fas est ducere rationem. Neque defunt tamen inter decretales loca, quibus alia quoque innouationum genera Episcopis permittantur g). Quin etiam et profanatio iis a iure canonico relinquatur h).

Sed quod Episcopis haecenus foundationes innouandi ius vindicauimus, eodem fruuntur et Monasteriorum aliorumque institutorum ecclesiasticorum praelati, qui *iuris dioecessani liberationem* habent, non ii quidem omnes, sed quibus obtigit iurisdictio ecclesiastica plena atque integra i). Quibuscum ecclesiarum et locorum religiosorum rectores et praefectos *iuri dioecessano obnoxios* eodem haud iure esse censendos, eorumque in innouandis foundationibus auctoritatem absque Ordinarii iussu et approbatione esse nullam, vnusquisque, nec me mone-
nte, perfectum habebit k).

g) C. 10. 26. X. *de praebendis*. Iargam copiam foundationum per dioecesan *Moguntinam* sec. 15 et 16. extinctarum et translatarum copiam suppeditat ROTH. l. c. p. 64. sq.

b) Remittimus lectores ad loca nota c) excitata.

i) *Auus Pener.* in I. P. E. l. 3. t. 5. c. 198. *Thilen de unionibus eccles.* et *benef. eccl.* c. 4. *Eybel* l. supra c. t. IV. p. 531.

k) C. 8. X. *de excessib. praelator.*

IV.

ARCHIEPISCOPORVM IN NOVANDIS PER DIOECESES FVNDATIONIBVS AVCTORITATEM ESSE NVLLAM.

Sed quum, quamuis plenam atque integram, non liberam tamen atque ab alieno imperio immunem Episcopi potestatem teneant ecclesiasticam, siquidem eorum fere unusquisque cum Metropolitano, tum Pontifici Romano, certo modo ac ratione obnoxius esse reperitur: quaestio iam suboritur, utrum, quam Ordinario cuique per suam dioecesim, Episcopo adeo maxime, fundationes innouandi potestatem vindicauimus, *solius* illa sit *Ordinarii*, an et *Metropolitani*, et *Pontificis Romani* aliquae ea in re esse partes videantur.

Iam ad *Metropolitanum* quod attinet, quemadmodum is per suffraganeorum dioeceses rem ecclesiasticam nouare, nisi adsentientem habeat, cuius res agitur Episcopum, diserta iuris sanctione prohibetur a), ita nec in rei ecclesiasticae nouatione, per suffraganeorum aliquem suscipienda, eius auctoritate opus esse videtur b). Etenim illud omnino in ecclesia Romana pro certo et constituto habetur, Archiepiscoporum, quae quidem ad iuris dioecesani vim

B 2

minuen-

a) C. 8. X. *de excess. praetator.*; cui non aduersum est c. 10. X. *de praebendis* quo quum dioecesis *Eboracensis* quidam Religiosi ecclesias sibi unitas *inconsulto Archiepiscopo* (*Eboracensis* is erat) minuere et diuidere prohiberentur, eius non tamquam *Metropolitani*, sed tamquam *Ordinarii* per suam dioecesim requiri consensum, ex tota huius decreti ratione facile perspicitur. Cf. SPEN I. c. P. 2. §. 3. T. 12. c. 1. §. 26. *Höfsgang SCHMIDT*, in *Inst. iur. eccl.* L. 3. T. 40. §. 32.

b) AVVS *Ven.* in I. P. E. L. 3. T. 13 §. 40.

minuendam pertineant, *certa c)* tantum et *definita* esse iura, quibus ut rerum ecclesiasticarum innouationes confirmandi ius annumeretur, nec ex iuris canonici decretis, quibus *simpliciter* innouandi potestas Episcopis tribuitur, nec ipso rerum usu et obseruantia effici potest. Quamquam illud quidem Archiepiscopotribuendum esse videtur, lite de rebus vel nouatis vel innouandis suffraganeo cum foundationis sibi obnoxiae praefecto seu rectore coorta, si ad Metropolitanii iudicia prouocatio facta sit, ipsius esse tam de suscepta quam suscipienda innouatione ius dicendi potestatem *d)*.

V.

NEQUE PONTIFICIS ROMANI ESSE FVNDATIONVM
DIOECESANARVM INNOVATIONEM.

Sed de *Pontifice Romano* impeditior est disputatio; duplex enim de eo existit quaerendi genus: alterum est, liceatne ei per Episcoporum dioeceses innouare fundationes *propria sua vi atque auctoritate*; alterum, annon saltem Episcopi rerum nouandarum confirmationem a sede Romana petere religione obstringantur. Iam de superiore isto genere ut prius dicatur, quum iurium omnino Pontificiorum duplex sit fons atque ratio, pars ex vniuersae ecclesiae regiminis natura profluat, quae quidem dicuntur *primaria*, pars ex peculiaribus pendeat acquirendi modis, *secundaria* vocantur *a)*: ex neutro fonte dioece-

a) PARENS *Ven. in princ. iur. can.* §. 146. sq. CORVINI *de benef. eccles.* l. 5. l. 10. n. 33.

d) ESPEN. l. c. SCHMIDT l. c.

a) PARENS *Ven. l. c.* §. 124. KALES l. c. §. 8.

dioecesanas fundaciones innouandi ius aliquod Pontificium deriuari posse, haud sane difficulter effici potest. Nam ad priorem rationem quod attinet, quum per ecclesiam Romanam potestas ecclesiastica ita sit descripta, vt vniuersae quidem rei ecclesiasticae cura, custodia, moderatio sit penes Pontificem, at singularum tamen dioecesum (praeterquam fundationum exemptarum,) gubernatio relicta sit Episcopis: facile est ad intelligendum, earum quidem fundationum, quae immediate Pontifici parent, ipsius esse innouationem *b*), at reliquarum, quae iure dioecesano reguntur, non posse eum immutare conditionem.

B 3

- b*) Quo referendae quoque, praeter Episcopatus (III. f.) et Religiosorum Ordines Pontifici immediate subiectos, fundaciones exemptae, de quibus vid. RIGGERVM in *instit. Iurisprud. eccles.* l. 3. §. 313. Sed Episcopatum per Pontifices regiminis vniuersalis titulo viutorum exempla asseri posse, negat EYBEL V. C. in *introd. in ius eccles.* T. 3. p. 141. Iam eiusmodi vnionum partem alio quidem ex fonte, ex iure scilicet Praefulis Romani Metropolitico profectam esse constat: quo pertinent cum per Gregor. M. factae vniones, qui per suam prouinciā Squillatiensē Lytitanam ecclesiam, Tres Tabernas Velitrae, (C. 16. q. 1. c. 49.) Sabinorum Anagninensem Nomentanae, Reginensē Carinensem et Terracinenſi Fundanum (C. 16. q. 1. c. 48.) iunxerit, vid. Car. a S. PAVLO *Geograph. sacr.* p. 46; tum Portuenſis, Hippolyti et SS. Martyrum Rufinae et Secundae in sylua candida ecclesiarum vnio a Calixto suscepta et deinde per Gregor. IX. confirmata, cuius bullam habes in VGHELLI *Italia sacra* T. 1. p. 130. Verum non desunt quoque Episcopatum ex regiminis vniuersalis vi et ratione per Pontifices viutorum documenta: veluti ecclesiae Paderbornensīs cum Coloniensī vnitae per Martinum V. 1429; quamquam rem haud multo post a. 1431. reuocauit Eugenius IV. SCHAEEN. in *Annal. Paderborn.* ad memoratos modo annos: tum etiam Setinae Terraconensī ecclesiae iunctae ab Honor. III.; quam rem confirmauit deinde a. h. f. 25. Benediſt. XIII., cuius quidem bulla habetur in *bullarum Romanor. Pontif. ampliff. collect.* edit. Cocquelines. Toin. 12. p. 16. f. Plura esse, quae in veteris memoriae libris reperiri possint, dioecesum per Pontifices viutorum exempla, colligere licet ex eo, quod Eugen. IV. et Clemens XII. praeter reliqua vnio-

num

ditionem, quā de iure dioecesano, quo omnium omnino sacri imperii vis atque ambitus continetur, aliquid detrahere et auferre arguendum se praebeat: nisi forsan in animum quis sibi induxerit, quae Episcopi cuiusque per dioecesim sint iura, eadem per eam ipsam attribuenda esse Pontifici; quae tamen opinio, *Isidori*, qui vocatur, fraude excogitata, postquam sedis Romanae artibus fatis diu in ecclesia Pontificia regnauerit, nostra tamen memoria inter ipsos Catholicos fatis explosa est c).

Sed, ut *peculiari* aliqua ratione foundationum illud per dioeceses nouandarum ius Pontifex nactus esse videatur, neque in iure canonico, neque in rerum aliquo usu constanti et diuturno, neque in pactioibus et conuentionibus singulis cum gentibus initis, est quod praesidii aliquod quaerat. Quamquam si rerum gestarum memoriam spectaueris, fatis frequenter usurpasse illud negari non poterit. Nam quod nominatim ad *uniones* attinet, quum ante *Nicolaum I* P. R. in vnien-
dis per aliorum dioeceses et prouincias ita circumscripta esset Pontificia potestas, ut nec Episcopatus, inconsulto Metropolitano, nec dioecesanas foundationes pro arbitrio Pontifex vnire posset: seculi deinceps XI et XII versus exitum, *Vrbani II* atque *Innocentii III* maxime auctoritate, non *maiorum* solum ecclesiarum unionem, nihil iuris ea in re relicto Metropolitans, ad se traxe-
runt

num genera etiam *Cathedralium* ecclesiarum per Antecessores suos temere factas uniones retraxerunt; de quo quidem accuratius dicetur nota d) huius §. subicienda.

c) *FEDRONIVS* l. c. Tom. II. p. 273. 283. 321. 452. *RAVIENSTRACH* in *instit. iur. eccl.* p. 413.

runt Pontifices, verum *minorum* etiam et *leuiorum* foundationum vniendarum potestatem sibi arrogarunt d).

Enimuero ab illarum rerum fonte, quas Pontifices Romani pro augendis opibus suis, canonum auctoritate atque ecclesiae formula et ratione neglecta, suo arbitrio gefferint, quasque sibi attribuerint, nisi idoneus iuris aliquis titulus siue lex, siue consuetudo, siue pactum, accesserit, iura ducere Pontificia, ab omni abhorret iuris ratione.

Neque desunt tamen in iuris Canonici ea parte, quae Pontificum decretales complectitur, eiusmodi rationes, quibus foundationes pro arbitrio innouandi potestas sedi Pontificiae vindicanda esse videri possit; siquidem de omnibus omnino per vniuersam ecclesiam beneficiis atque ecclesiis plenum atque liberum statuendi ius, ex suae potestatis *plenitudine*, quam dicunt, decre-

- d) *Avvs Ven.* in I. P. E. L. 3. t. 5. §. 197. — Haud raro *minorum* foundationum *uniones* vsurpasse Pontifices, argumento est *Eugenii IV.* bulla a. quidem 1431. emissâ, qua vti ecclesiae *Paderbornensis* cum *Colonienſi* ecclesia unionem resciderit, ita omnes omnino non solum Cathedralium ecclesiarum atque Metropolitanarum, verum etiam Monasteriorum, dignitatum, praebendarum in ecclesiis tam cathedralibus quam collegiatis, ecclesiarum parochialium, aliorumque beneficiarum ecclesiasticorum, siue exemptorum, siue non exemptorum per suos antecessores tenere factas uniones irritas esse pronuntiauerit. Habes bullam apud *SCHAEEN. l. c.* Similis bulla *Clementis XII.* a. 30. h. s. emissâ, habetur in *magno bullario Romano* Tom. 14. p. 4. Enimuero in ipſo iuris canonici corpore nos quidem nullum unionis Pontificiae exemplum, quod huc referri possit, deprehendimus; nam quod per *Gregorium M.* a. 601. Monasterium quoddam in agro Campano situm Coenobio cuidam *Saurentino* unitum fuisse relatum legimus c. 2. *X de relig. donat.* illud non ex iure aliquo Praefulis Romani Pontificis, quod tum per ecclesiam erat nullum, sed ex iure *Metropolitico* profectum esse ex eo apparet, quod *Campania*, quae ante sec. 10. exitum *peculiarem* nondum haberet Metropolitanam, tum temporis Romanae Prouinciae pars erat. *V. Car. a S. PAVLO l. c. p. 36. sq.*

decretis suis Pontifices sibi attribuisse constat *e*). Cuiusmodi vero decretorum, quum ad vniuersae ecclesiae disciplinam atque canonum, omne rerum ecclesiasticarum arbitrium Episcopis assignantium *f*), auctoritatem infringendam pertineant, vis aliqua hoc minus esse potest, quod in eo pactionum genere, quo de finibus potestatis Pontificiae regundis populorum et ecclesiarum praefulibus cum sede Pontificia conuenit, quodue iurum adeo Pontificiorum, quae dicuntur, *secundariorum* summus fons habetur, non omne Pontifici de foundationibus dioecesanis statuendi arbitrium, sed *certa* tantum et *definita* iura relicta esse constat.

VI.

NEC OMNINO PONTIFICIS ROMANI AVCTORITATEM
EPISCOPIS RES NOVANTIBVS REQVIRENDAM ESSE.

Quemadmodum igitur Pontificis Romani fundationum per dioeceses innouandi potestatem nullam esse docuerimus: ita quoque, qui alter huius disputationis locus est, ad rerum sua auctoritate nouandarum apud sedem Romanam confirmationem petendam, si *vniuerse* quidem res spectetur, vlllo iuris vinculo obstringi Episcopos negandum nobis esse videtur.

e) c. 2. de praebendis in 6. Clem. I. vt lite pendente. Quorum decretorum auctoritate scriptorum Catholicorum moti nonnulli Pontifici dioecesanis quoque fundationes innouandi ius tribuere, vti THILEN in *diff.* supra excitata c. 4. FRANCISCVS MENICONIVS (Id. Perusius) in *instit. iur. eccles.* p. 305. Io. Georg SCHLOER in *diff.* Moguntina de *eccles. paroch. secularitate earumque vnione subiectina Monasteriis facta.* c. 2. §. 9 et 12. in SCHMIDT. *Thes.* T. 6. REIFFENSTEL in *iur. Canon. Vniu.* L. 3. T. 12. n. 53. cf. AVVS *Ven.* in L. P. E. L. 3. t. 5. §. 197. et t. 12. §. 9.

f) C. 2. 3. 4. 5. 6. 7. C. 10. q. 1.

detur. Etenim ea est imperii dioecesani vis atque ratio, ut, quae sunt iura Episcopis potestatis ecclesiasticae iura, ea *uniuerse* quidem sua ipsorum auctoritate, inconsulto Pontifice, usurpare possint. Neque enim propter eam, quae Episcopis cum Pontifice intercedit, subiectionis rationem, statui potest, in vno quoque iure dioecesano usurpando adhibendam illis esse auctoritatem Pontificiam; quandoquidem, uti reip. Germanicae nostrae formula declarat, in societate aliqua composita, siue civilis siue ecclesiastica illa sit, partis alicuius praeful, ut, quae pro imperio suscipiat, ea rata ac firma sint, eius, qui vniuersae societatis corpori praesit, consensum et confirmationem requirere nulla ratione obstringitur.

Quamquam illud quidem tribuendum esse videtur Pontifici pro ea, quae ipsius est vniuersae rei ecclesiasticae per ecclesiam Romanam cura et custodia, ut, si *temere* aliquid innovetur per Episcopos, legum, quarum per ecclesiam viget observatio quarumue ipse est custos atque vindex *a*), eos admoneat, eosque in ordinem cogat. Vnde vero Episcoporum innovationes confirmandi aliquod ius hoc minus deriuari potest, quod alioquin nulla omnino foret iuris dioecesani pars, quae, quum Pontificis supremae obnoxia sit tutelae, eadem non quoque confirmatione Pontificia indigeret; quod quam parum foret consentaneum, vnicuique obuium est ad intelligendum.

Quod autem ea in re summum esse videtur, illud est, quod nulla in iure canonico lex, qua Episcopis innovationum eccle-

a) FEBRON T. 1. p. 108. T. 2. p. 98. 482. T. 3. p. 41.

ecclesiasticarum confirmationem a fede Romana petendi necessitas *uniuerse* imposita sit, reperitur. Quin *unionem*, a qua ad reliqua innouationum genera duci posse rationem, nemini dubium esse potest, *simpliciter*, hoc est, sine adprobationis Pontificiae requirendae mentione, cuique Episcopo idem illud diserte relinquit *b*). Nam ad ea iuris canonici loca quod attinet, quibus Pontifex ab illius memoriae Episcopis de rerum a se novandarum adsensu impertiendo requisitus, modo ratas innouationes modo irritas haberet *c*), earum ad nostrae aetatis *d*) Episcopos religione aliqua obstringendos vis omnino esse potest nulla. Qui enim fieri potest, ut ex eo, quod aliquando pro istius tempestatis ratione Episcopis vel religione ac verecundia aliqua

- b*) C. 8. de excess. praelat. In unionibus auctoritate Pontificia opus esse censet EYBEL V. C. in introd. in ius. eccles. T. 4. p. 534. negant Vb. Gir. a STO-CJETANO I. c. et M. Anton de DOMINIS de rep. eccles. T. IX. c. 8. §. 35. p. 91.
- c*) Permissus suppressionis exemplum habes in c. 8. X. de Constit. dominationis concessae c. 10. X. de praebendis, prohibita c. 8. et 36. cod. adprobatae denique unionis c. 33. cod.
- d*) Quamquam nuper in Moguntinis Monasteriis pro re Academica augenda abolendis illud Archiepiscopum Pontifici tribuisse, ipsius auctoritatem ut requireret, cognovimus. Quod utrum ex lege faciendum sibi esse duxerit, an consilio fecerit tamquam in re noua atque calumniis facile exposita, non nostri est iudicii. Sed litterarum iussu Pii VI. P. R. d. 29 Aug. a. 81. ad Archiepiscopum missarum, quibus ipsi rei peragendae potestatem faceret — seu, ut cum Pontifice loquar, quibus iuberet eum, ut auctoritate Apostolica rem perliceret — summam habes in WALCHII *neuef. Religions-Geschichte* Tom. IX. p. 394. f. Simili inmoderatione multum ante vsus erat Ioannes Archiepiscopus Treuirensis, qui ut Academiae recens a se in Metropoli sua conditae fundationes aliquas vniret, auctoritatem Pontificiam adhiberet. Litteras ab Nicol. V. P. R. a. 1454. ad Archiep. missas, quibus ei ius. ecclesiarum parochialium, VI. Canoniciatum et totidem praebendarum cum Academi. Treuir. vniendarum potestatem faceret, habes in BROWERJ *Antiq. et Annal. Treuir.* Tom. II. p. 288.

aliqua motis, vel, ne temere quid nouasse putarentur, de rebus innouandis Pontifex sibi consulendus visus fuit, etsi deinceps rescripta illa, quibus Pontifices vel improbarent innouationes vel comprobarent, in decretorum Pontificiorum corpus recepta fuerint, *ius* aliquod *uniuersum* efficiatur?

VII.

QVIBVSDAM TAMEN INNOVATIONVM GENERIBVS EXCEPTIS.

Sunt tamen quaedam innouationum genera, quae quominus ab Episcopis inconsulto Pontifice suscipiantur, a iure canonico diserte prohibetur. Quo pertinent cum ecclesiarum *parochialium* nouatio in gratiam alicuius *Monasterii* vel ecclesiae *collegiatae* facta a), tum quodcunque omnino innouandi genus, quod vel ipsius *Episcopi*, vel sui *Capituli* b) proprius

C 2

v fus

a) C. 9. de his quae sunt a prael. sine capit. consensu. Conc. Trid. sess. 24. cap. 13. de reformatione: quorum decretorum auctores illud spectasse videntur, quod Religiosi muneribus parochialibus sustinendis parum esse idonei, nec aliis, qui illa obirent, reddituum parochialium satis relinquere cognoscerentur. ESPEN l. c. T. 2. p. 733. Wölfg. SCHMIDT in Inst. I. E. L. 3. t. 40. §. 8. sq. Parochiarum omiſſa auctoritate Pontificia Monasterio unitarum exemplum habes in GYDENI Cod. diplom. Tom. I. p. 898. vbi litterae exstant (n. 1297.) Gerardi Archiep. Mogunt. ecclesias parochiales in Ammera et Schwerfete Coeuobio Reiffenstein vniuentis.

b) Clem. 2. §. fin. de reb. ecclcs. non alien. c. 32. X de V. S. c. 10. de rescript. in 6. Conc. Trid. l. c. LEVRENIUS in foro benef. P. 3. l. 2. c. 1. q. 891. n. 1. Mensae Episcopali unitarum fundacionum documenta sunt cum Abbatia Berchtesgaden a. 1394. a Bonifacio XI. mensae Archiepiscopali Salisburgensi unita; bulla est apud MOSER, im teutschen Staatsrecht Tom. XI. p. 291.; quam unionem idem Bonifacius, tamenſi a se a. 1402. iterum adpro

vfus atque commoda propofita fibi habet — quarum quidem rerum arbitrium Pontifici vt permittatur, a cuiusque Epifcopi aequitate facile fperari poteft — tum etiam rerum ecclefiasticarum in laicos *alienatio*, de qua quidem fine Pontificis auctoritate non fufcipienda, duplex in iure canonico habetur decretum, alterum *Gregorii IX* in *decretalium libro fexto c*), alterum *Pauli Veneti*, Pont. Rom. inter *Extrauagantes communes. ambiofiae* nomine celebratum *d*), graui vtrumque illud fatione firmatum. Sed de vtroque vehementer inter iuris ecclefiastici prudentes difputatur *e*), an omnino per ecclefiam, nominatim per

adprobatam, paullo poft tamen a. 1404. ipfe reuocauit; MOSER. l. c. p. 296.: tum Abbatia St. *Maximin.* a. 1630. per *Vrb.* VII. *Trenirensi* Archiepifcopatu vnita, per eundem tamen ab illo feiuncta et in priſtinam conditionem reſtituta. cf. *Moser* l. c. p. 291. et in *Staatsrecht des Churfürſt. Erſtiſts Trier* p. 311. — Quae vnionum Pontificiarum per ipſos Pontifices reuocatarum exempla, ſi cum iis, quae ſupra nota *d*) ad §. VI. de *Engenio IV.* et *Clemente XII.* Anteceſſorum vniones retractantibus commemorauimus, conferamus, eccleſiae Romanae Praefulum leuitatem atque inconfantiam non ſatis mirari poſſumus.

c) C. 2. de reb. eccl. non alien.

d) C. vii. eod.

e) Quorum tamen pars longe plurima decreta iſta per Germaniam eſſe recepta negant, veluti: *CONRING* in *bullam Innoc. X.* p. 316. 318. f. et in *Conſult. Cathol. de pace perpet. Proteſtantiſms danda* §. 7. p. 13. *NUDER* in *Comm. de inram. Princ. eccl.* §. 36. *ENGEL* in *coll. vnica. iur. canon.* L. 2. t. 24. II. 9. *REIFFENSTVEL* l. c. I. 3. t. 13. II. 31. f. *AVVS Ven.* l. c. L. 3. t. 13. §. 37. 40. *LYREL* l. c. T. 4. p. 449. Enimuero recepta eſſe affirmant, et ſimpliciter quidem *BEHLEN* l. c. §. 85. quamquam iſ fatetur, nec in praxi, nec in theoria ea de re inter Cath. ſatis conuenire. *RIGGER* in *inſtit Inriſp. eccl.* P. 3. §. 214. *MENICONIUS* l. c. p. 345.; quod ad certa bonorum genera, v. c. *menſae bona Anton* *SCHMIDT* in *inſtit iur. ecclef.* T. 1. c. 2. L. 2. §. 298. *Wolfgang SCHMIDT* l. c. L. 3. t. 47. §. 13. *BARTHEL* de reb. eccl.

per Germaniam pro recepto habenda sit. In quo dissenſu de *uniuerſa* harum functionum per Germaniam ſaltem obſervantia atque uſu hoc magis addubitandum eſſe videtur, quod nec in *nationis Germanicae Concordatis* bonorum eccleſiaſticorum alienationes confirmandi ius ſedi Romanae conſeſſum eſſe reperitur, nec quod nominatim ad illud modo excitatum decretum *ambitioſae* attinet, *extrauagantes* decretales, e quarum numero illud eſſe diximus, haudquaquam *uniuerſas*, ſed *ſingulas* receptas eſſe conſtat *f*); vt itaque in quaque dioceſi omnium primum iſta decreta an et quatenus rerum uſu vim aliquam obtinuerint, inueſtigandum eſſe videatur. Enimuero, etiamſi illorum decretorum uſum paſſim vigere deprehenderis, ad illa tamen innouationum genera, quae vacant profanatione, ea accommodari haud poſſe et transferri, ex eo intelligitur, quod ab iis, quae de rebus eccleſiaſticis *in laicos non alienandis*, hoc eſt, de iisdem non profanandis cauta ſunt, ad ea rerum innouandarum genera, quibus res relinquuntur uſibus eccleſiaſticis, duci plane nequit ratio *g*).

non alien. in eius opuſc. T. 2. Art. 3. n. 9. ſq. Mediam ſententiam ſequitur
ESPEN l. c. P. 2. ſ. 4. t. 5. c. 4. „18. qui ubique recepta eſſe neget.

f) ZALLWEIN in *princip. iur. ecclēſ.* T. 4. q. 3. c. 3. §. 10.

g) Cf. AVVS *Ven.* l. c. L. 3. t. 13. §. 42.

EPISCOPIS NVM A PRINCIPE, CUI SVNT OBNOXII,
FVNDATIONVM INNOVANDARVM CONFIRMATIO
REQVIRENDA SIT, VNIVERSE QVAERITVR,

Quibus igitur, si *uniuerse* rem spectes, Episcopis hactenus quidem, quod in innouandis foundationibus a Metropolitanorum et Pontificis Romani confirmatione petenda liberi atque immunes sint, vim suam atque auctoritatem adseruisse videmur, iisdem tamen eius, in cuius ditione sint innouandae foundationes, Principis, rerum nouandarum auctoritatem, non quidem ex iuris canonici decretis, quae parum ea in re relinquunt Imperantibus *a)*, sed ex vtriusque, cum ciuilibus, tum ecclesiasticae potestatis natura et ratione, esse requirendam, illud est; quod nunc efficiendum nobis est. Iam illud omnino nostra quidem memoria pro certo et constituto ponere licet, ecclesiam atque ecclesiasticam potestatem obnoxiam esse imperio ciuili *b)*. Quemadmodum enim omnes omnino per ciuitatem vniuer-

a) Wolfgang SCHMIDT l. c. L. 3. t. 40. §. 36. BEHLEN l. c. §. 86.

b) Quanquam Catholicorum scriptorum ea de re non vna est eademque sententia. Longe plurima enim pars, atque superiorum aetatum fere omnes Principi nihil ad ecclesiam iuris, praeterquam illius, sine quo salua et secura illa non possit, *Aduocatae* igitur ius, relinquunt, vti MÜLLER in *diff. supra* land. de *pedi et gladii connubio* Sect. 3. §. 7. HAMMER in *diff. de iure Principis Cath. circa sacra* c. 1. f. 2. §. 16. sq. et c. 2. apud SCHMIDT. l. c. Tom. III. Testem huius rei habes AVVM Ven. in I. P. E. L. 3. t. 5. §. 196. et t. 31. §. 50. Enimvero nostrae memoriae scriptores, maxime, quibus IOSEPHI sub auspiciis, de rebus sacris, quae sentirent, libere ea propalam exprimere contigerit, iuris circa sacra vindicias agere instituerunt. Laudandi imprimis sunt RIGGER, qui, quam-

vniversitates et collegia, ita ecclesiasticae quoque celebritates atque instituta originem suam vimque omnem capiunt a rep. eiusque adeo tenentur imperio *c*). Ex quo illud necessarium fit, foundationum ecclesiasticarum conditionem absque Imperantis ciuilis auctoritate haudquaquam posse immutari *d*). De quo autem accuratius dicendum nobis est.

Quum igitur iurium quae cuiusque Principis in sacra potestas complectitur, haec summa genera constitui soleant, scilicet *reformandi ius*, *inspectoria potestas*, et denique *Aduocatae ius*: eorum vnus cuiusque in rebus ecclesiasticis per Episcopum innouandis vis aliqua est. Nam ad *reformandi ius* quod attinet, cuius quidem virtus in consociationum ecclesiasticarum per ciuitatem celebrandarum iure tum tribuendo et denegando, tum augendo et circumscribendo, tum denique conseruando et reuocando posita est, quae ex hoc omnis per remp. iuris et potestatis ecclesiasticae fonte originem atque vim suam tenent foundationes ecclesiasticae, quum rerum statum atque conditionem pro vtilitatis publicae ratione Principis iussu et imperio constitutam et stabilitam priuata innouari auctoritate nefas omnino sit, illas igitur foundationes absque Imperantis ciuilis

quam in *delicato* atque *columnis* *exposito* loco versari se fatetur I. c. P. I. §. 424. nihilominus tamen, quae nostrates, eadem et ipse Principi iura tribuere haud dubitat. *ibid.* §. 173. f. 424. f. 446. f. 450. EYBEL I. c. T. 2. p. 121. 1:6. 146. T. 3. p. 191, Car. Ant. de MARTINI in *post. de iure Ciuitat.* §. 222. sq. Nec repugnant iuri in sacra FERRON. I. c. T. I. p. 582. et ZALLWEIN in *princip. iur. eccl.* T. 4. q. 3. c. 3. §. 8.

c) PÜTTERI, *Viri perillustres*, *instit. iur. publ.* §. 219. et *Rechtsfälle* Vol. II. T. 2. p. 512. PARENS *Ven.* I. c. §. 472. EYBEL I. c. T. 4. §. 453. 500. MARTINI I. c. §. 99.

d) PARENS *Ven.* I. c. et §. 575.

ciuilis assensu et confirmatione nec circumscribi nec dissolui posse, satis obuium est ad intelligendum. Neque reliquorum iurium minorem ea in re vim esse atque effectum, ex ipsa eorum natura et ratione perspicitur: siquidem cum per *inspectionem potestatem* curandi efficiendique ius est Principi, ne ex eo, quod in ecclesia fiat, detrimentum aliquod capiat resp. e), eorum *Aduocatae* nomine, ne contra leges ecclesiasticas, quorum ipse Imperans ciuilis custos est atque vindex, nec ipsius ecclesiae iniuria et damno ab eius Praefulis aliquid suscipiatur, inuigilandi habet potestatem f).

Sed quo magis intelligatur, sine ciuili auctoritate res ecclesiasticas non posse innouari, illa quoque asserri posse ratio videtur, quod ipsius quoque Principis haud dubie sit foundationes suae ditioni subiectas immutandi potestas. Quae quidem *extraordinaria* dicitur, ab eaque, quae Praefulis est *ecclesiastici, ordinariam* vocant g), eo facile internoscitur, quod sicut haec *ecclesiae* vtilitatem, ita ipsa *reip.* commoda proposita habet. Etenim, quum, quemadmodum reliquis per ciuitatem vniuersitatibus, ita ecclesiis quoque omne illud, per quod sunt vigentque, vis atque robur ab ipsa rep. additum fuerit, idque non *simpliciter*, sed quatenus bono publico haud repugnet: Principi, si ex salutis publicae ratione videatur, foundationum ecclesiasticarum et circumscribendarum et dissoluendarum potestatem

e) ESPEN. I. c. P. 2. l. 3. t. 12. c. 3. §. 19. HORIX *de fontibus iur. can.* §. 5. in CRAMERI *Nebenstunden* p. 98.

f) Conf. iidem. — Omnino intelligitur, Aduocatae iuris respectu non posse Catholicos, si modo constare sibi videri velint, quin innovationes confirmandi ius Principi tribuant.

g) PARENS *Ven.* l. c. §. 586.

statem esse, intelligitur *h*). Atqui, quum in nouanda re ecclesiastica ius aliquod vertatur, quod diuersa quamuis ratione, at idem tamen ad Principem quoque pertineat, ipsius confirmationem Episcopo res nouanti requirendam esse apparet.

IX.

IDEM QVAERITVR DE GERMANIAE EPISCOPIS.

Sed quum haecenus *uniuerse* de imperii ciuilis auctoritate in nouandis foundationibus disputatum sit, restat, vt, quae-
nam illius per *Germaniam* sit vis, exponamus. Iam, quum Germanorum Catholicae ecclesiae ea sit ratio, vt ipsius gubernatio sit penes Episcopos, quorum plurima quidem pars praedita sit imperio ciuili, *immediati* vocantur, nonnulli in Principum sint ditione: hi quidem cum reliquis extra Germaniam Episcopis, quos omnes e subditorum esse numero constat, eodem haecenus iure censendi sunt, vt inconsulto suo Principe nil queant per ecclesiam innouare. At *immediatorum* longe dispar est ratio. Qui enim quum vtramque potestatem, cum ciuilem, tum ecclesiasticam teneant coniunctam, quid est, quod Principis alicuius, cuius ipsi vices sustinent, auctoritate in rebus per suum *territorium* innouandis, indigere videri possint?

Nam

- b*) PÜTTER. V. C. *instit. iur. publ.* l. c. Ecclesiarum iura et restringendi et tollendi ius ex necessitatis publicae ratione Principi vindicat RIGGER. l. c. §. 450. Imperatores olim foundationum nominatum *Episcopatum* vniendorum ius usurpasse, obseruat AVVS *Ven.* l. c. l. 3. T. 5. §. 196. Per Gallofranciam regis. eorum quidem beneficiorum, quae ad ipsius *collationem pleno* pertinent iure, vniorem esse, refert ESPEN. P. II. S. 3. T. 13. §. 28. Regiae vniouis exemplum habetur in PINSSON. *Traité des regales* Tom. 1. p. 92.

Nam *Imperatoris* ea in re omnino non opus esse videtur auctoritate. Quod enim *Maiestati* Caesareae inest *Aduocatae ius*, cuius nomine Imperator ecclesiae Romanae per Germaniam cum *viuerfae*, tum *singularum* eius partium iura atque bona tueri et feruare religioni sibi ducit a), illius haec quidem haud dubie vis est atque effectus, vt, si per ecclesiam quis ex rerum ecclesiasticarum innouatione iniuriam factam sibi esse apud Caesarem *queratur* a), eius sit de innouatione, rectene an perperam facta fuerit, iudicium, atque, si temere illam susceptam esse deprehenderit vel corrigendi eam vel irritam habendi potestas. Verum enimvero haec imperii Caesarei pars, quo minus propria sua auctoritate Episcopi, inconsulto Imperatore, innouationes suscipiant, haudquaquam impedire potest; quandoquidem illud satis constat, ex eo, quod imp. Principes, si in imperii siue sacri siue ciuilis vsurpandis iuribus iniuriam alicui fecisse arguantur, in ordinem ab Imperatore cogi possunt, nequaquam illos eorum, quae pro imperio agere parent, a Caesare petere confirmationem obstringi. c)

Sed

a) *Capitul. Caesar. Art. 1. §. 1. Anton SCHMIDT l. c. T. I. c. 2. S. 1. §. 215. 251. S. 2. §. 300. Ioh. Jac. de MOSER von den Kayserlichen Regierungs-rechten T. I. p. 24. f. Petri GALLADE diss. de Aduocatis ecclesiasticis c. 5. in SCHMIDT. Thesaur. eccles. T. V.*

b) MOSER l. c. p. 252. sq.

c) Enimvero in Monasteriorum *Moguntinorum* abolitione auctoritati Caesareae locum fuisse constat. Qua quidem etsi ex ratione aliqua ab imperii Caesarei iure petita opus non fuerit, ac eam sapienter tamen, ne, quod ad rei vim et auctoritatem pertineret, in eius peragenda modo omisisse Archiepiscopus per calumniam argui possit (id quod ne fieret, maxime propter externa Monasteriorum bona ad Academiam transferenda interesset) adhibitam esse intelligitur.

Sed quum Imperator praeter istud *uniuersale*, *peculiare* quoque Aduocatae aliquod ius, foundationum quarumdam munificentia Caesarea, siue *conditarum*, siue *amplificatarum*, nomine passim teneat, huic quidem ea vis tribuenda esse videtur, vt, quemadmodum *priuatorum* hominum ex iuris canonici decretis illud haud dubie est ius, vt ne earum rerum conditio, in quibus siue ex sua, siue ex maiorum foundatione *Patronatus* et *Aduocatae* ius nacti fuerint, sine ipforum adsensu innouetur *d)*, ita quoque in nouandis foundationibus Imperatorum beneficio institutis vel auctis hoc magis auctoritate Caesarea opus esse videtur *e)*, quod illae non in Episcoporum ditione, sed bonorum *immediatorum* loco esse solent. *f)*

Nèque tamen vtriusque potestatis eam in Catholicae ecclesiae Episcopis habere vim potest, vt, quemadmodum Principes nostri Euangelici a iure canonico liberam tenent potestatem ecclesiasticam, ita et ipsi, ciuilis imperii, quo fruuntur, nomine, ab iis officiorum et cautionum generibus, quibus ex iuris canonici decretis innouandi potestas, circumscripta est,

D 2

immu-

d) V. AVVS *Ven.* l. c. l. 2. T. 5. §. 188. L. 3. T. 5. §. 193. PARENIS *Ven.* l. c. §. 535. 575. ESPEN. P. 2. S. 3. T. 12. c. 3 §. 9.

e) Per *Gallofranciam* in eorum beneficiorum vnione, in quibus *Patronatus* iure rex vtitur, ipsius opus esse auctoritate, memorat ESPEN. l. c. P. 2. S. 4. T. 5. c. 4. §. 35.

f) Sed illius Aduocatae generis, quod passim Imperatorem *peculiaribus passionibus* obtinuisse constat, eam haudquaquam esse vim, vt siue Caesarea auctoritate (qua ne quidem propter Aduocatiā *Maestaticam*, quae dicitur, opus esse docuerimus) peragi nequeat innouatio, ex ipsa huius iuris natura facile perspicitur. Omnino huius Aduocatae Caesareae generis peculiare esse effectus, quos eosdem non habeat quoque Aduocatia *Maestatica*; negat MOSER. l. c. p. 247.

immunes esse videantur. Parent enim Pontifici Romano, eumque colunt pro legum ecclesiasticarum custode et exsequutore; a quo iugo, per tot seculorum decursu constituto, propter eam, quae Imperatoris atque Imperii beneficio cum dioecesum gubernatione coniuncta est, potestatem civilem, liberari eos in ecclesia Catholica nefas esse ducitur. g)

Sed quum dioecesana per Germaniam potestas duplicis sit generis, alterum cuiusque Episcopi concludatur territorio, *restrictior* vocatur, alterum per aliorum imp. Ordinum terras pateat et vagetur, *latiorem* dicunt: quae de Episcoporum, inconsulto Imperante civili, innouandi iure ex formula Germaniae disputauimus, ea ad extremum illud iuris dioecesani genus nequaquam posse accommodari, ex eo intelligitur, quod in isto usurpando Episcopus eius Principis imperio, per cuius territorium illud exerceatur, obnoxius est. h)

Quum autem *latius* dioecesanum ius non per Catholicorum solum terras constitutum sit, verum etiam, quae passim per Euangelicorum territoria, vel ex Pacis Westphalicae formula, vel ex cuiusque Principis indulgentia, rei Catholicae relictæ sunt foundationes, eas quoque afficiat: has ipsas quidem innouandi omnino ius est Episcopo, at in eo tamen usurpando hoc magis ipsius Principis debet auctoritatem adhibere,

g) BARTHEL. de reb. ecclæs. non alien. Art. 3. §. 12. in Opusc. T. II. At longe diuerso iure fruuntur Principes seculares, videlicet RIGGER. l. c. P. I. p. 293. f. et diss. noitr. de iure occup. statumendique de bon. exst. Ord. lés. c. 1. - 4.

h) ROTH l. c. p. 27.

bere, quo grauius est discrimen, in quod rem Euangelicam ipsa adducere videtur religionis diuersitas, et quod, tum si ex anno decretorio vim suam capit dioecesana potestas, non alia ratione et forma, quam qua isto tempore comparata fuerit, eam ferre Princeps Euangelicus obstringitur. Quamquam, si ex ipsius auctoritate ab Episcopo peracta fuerit innouatio, non est, quod Catholici ciues de temporis decretorii ratione immutata querantur, quandoquidem ea inter eiusdem religionis consortes nullam omnino vim habere constat.

X.

EPISCOPO IN FUNDATIONIBVS NOVANDIS CAPITVLI
CATHEDRALIS CONSENSVM VNIVERSE HAUDQVA-
QVAM ESSE REQVIRENDVM.

Sed foundationum per dioecesin innouandarum ius ita ad Episcopum pertinere arbitramur, vt in eo vsurpando, si *vniverse* quidem res spectetur, *Capituli* sui *Cathedralis* consensum requirere haud obstringatur. Etenim eam Episcopatum per ecclesiam Romanam satis constat esse formulam, vt omnis dioecesum moderatio ac gubernatio ita penes vniuscuiusque sit Episcopum, vt praeterquam in certis causarum generibus, vel a iure *canonico*, vel per cuiusque Episcopi *capitulationem*, vel omnino iure cuique dioecesi *proprio* et *peculiari*, definitis, Capituli auctoritatem omnino adhibere nequaquam teneatur a).

D 3

Itaque

a) Opinionem istam, Episcopos non posse alicuius momenti res sine capituli assensu peragere, Germaniae Capitulis tam probatam illam atque acceptam,

Itaque illud maxime efficiendum nobis est, iis causis, in quibus ex iuris canonici decretis Capituli consensu opus sit, foundationum innouationes *per se* quidem haud esse annumerandas.

Iam quum, in quibus Episcopo omnino Capituli auctoritas requirenda sit, res atque causae ad summa haec genera vocari soleant; alterum earum, quae totius Praelaturae conditionem attingant; alterum harum, quae ad ecclesiae statum innouandum pertineant; quo in genere est rerum ecclesiasticarum alienatio: *b)* ad istud superius genus haud referri posse foundationum innouationes, ipsa rei natura declarat; siquidem illas, quatenus ad Episcopum pertinent, non *uniuersam* ipsius Praelaturae rationem, sed *singularia* duntaxat instituta afficere, intelligitur. Ad extremum autem genus quod attinet, illud quidem

ceptam, ab iisque summo opere cultam, et, ubi potestas data esset, ad effectum adductam, illam igitur opinionem, non solum Eruditorum profligauit subtilitas, (laudandi imprimis sunt Io. Ad. de ICKSTATT de *iuribus capituli sedē vacante* §. 42. f. in Tom. II. opusc. et STRUBEN von der *Teutschen Dom - Capitul Erb - und Grund - Herrschaft in den Nebenstunden* Tom. I. — cf. quoque B. AVVS l. 3. t. 10. §. 3. et PARENS *Ven.* l. c. §. 505. 507.) verum publico etiam iudicio improbavit ac notavit Imperator, qui nuper, d. quidem 28 Aug. a. 81. Capitulo *Spirensi* quocum ob illam ipsam rem lis erat Episcopo, rescribi iuberet: placere sibi, vt ob istius opinionis vanitate temperet sese Capitulum, qua ipsum Praelaturae dominium, *radicale et fundamentale* vocant, eo quidem consilio sibi attribuat, vt, et *sede plena*, *Seuatus nati*, qui dicitur, nomine, iuris dioecesani quasi participes et consortes habeantur, et, *sede vacante*, *uniuersam* potestatis episcopalis viam complecti viderentur. Habes litteras Caesareas in MOSERI *Zusätzen zu seinem neuen Staatsrecht* Tom. III. p. 397. Summa rei traditur in SCHLÖTZERI *Viri illustr. Staatsanzeigen* Vol. III. p. 226. et in REVSSII *Teutscher Staatskavalley* Tom. II. p. 369.

b) AVVS b. l. c. l. 3. t. 10. §. 3. PARENS *Ven.* l. c. §. 505.

quidem ferri haud potest, si *omnino* aliquid per dioecesim ab Episcopo sine Capituli voluntate et concessu innouari posse negaueris *c*). Quid enim aliud hoc est, nisi, quae vniuscuiusque imperii partes habentur grauissimae, eas de iure dioecesano detrahere? quod quidem fieri non potest, quin mutilum illud et mancum relinquatur. Verum enim vero, ut ne ista ratio ab ecclesiae Romanae formula abhorreat, certis illa terminis definienda et circumscribenda est: cuius quidem rei nos iam periculum aliquod facere conamur.

Iam igitur triplex omnino rerum genus constitui posse videtur, in quibus sine Capituli voluntate Episcopo rei ecclesiasticae innouatio a iure canonico interdicatur. Vnum est rerum ad *mensam Episcopalem*, et omnino ad *Episcopatum* pertinentium *d*): alterum earum, quae in *iure et dominio* sunt *Capituli Cathedralis* *e*). Atque neutrum genus innouandi et alienandi liberum arbitrium Episcopo permixtum, ne, si iis de rebus, quae cum pro dignitate tuenda Episcopali, tum pro sustinendo Capitulo, quod omnium per dioecesim consociationum haud dubie longe princeps est et grauissima, comparatae sunt, cuique Episcopo, inconsulto Capitulo, statuendi potestas sit, vniuersa ecclesiae Cathedralis ratio summum in discrimen adducatur.

c) Qua ex ratione negat RAVTENSTRAUCH in *inst. iur. eccl.* Tom. I. §. 542. fundationes per Episcopos vni omnino posse sine consensu Capituli.

d) c. 51. 52. C. 12. q. 9. c. 2. et 7. X. de *donationibus*. ESPEN. P. II. f. 4. t. 5. c. 4. §. 21. f.

e) c. fin. X. de *bis. quae sunt a maiori parte capituli* c. 10. X. in f. de *bis. quae sunt a Praelato sine consensu capituli*. Conc. Trid. sess. 24. c. 15. de *reform.* ESPEN. l. c. STRAUBEN l. c. §. 18.

catur. Sed utrumque genus satis quidem expeditum est, nec habet quidquam dubitationis. Restat tertium genus, in quo sunt ecclesiae *parochiales* f): quarum innouatio et alienatio ne libero Episcoporum arbitrio relinqueretur, causa fuisse videtur cum ipsius rei grauitas, tum quod, *parochias* Monasteriis identidem iungendo, non bene iis Episcopi consuluisse reperiiebantur.

Enimuero, praeter istud tripartitum rerum genus, reliquarum omnino, nominatim monasticarum, innouationem solius Episcopi iudicio permissam esse, eo efficitur, quod nec de iis ut Capituli auctoritatem requirant, *diserte* a iure canonico iubentur Episcopi, nec ab istis ad has ratio aliqua duci posse videtur: quandoquidem tum ea iuris canonici decreta, quibus Capituli auctoritas in istis rerum generibus innouandis requiritur, peculiare suas habent rationes, tum illud omnino satis certum et constitutum est, Episcoporum potestatem, ab origine et per se plenam et absolutam, aliqua ex parte pro diminuta et circumscripta habere haudquaquam fas esse, nisi quid de ea a iure canonico planissime ac disertissime demtum et detractum esse appareat g).

XI.

- f) c. 73. C. 12. q. 2. c. 8. 9. X *de his quae sunt a Praeclatis sine consensu Capituli* c. 1. *de reb. eccles. non alien.* in 6. Clem. 2. eod. Nominatim prohibetur Episcopus, ne parochias vel earum bona sine Capituli consensu conferat Monasteriis. c. 73. cit. c. 3. 8. 9. X *de his quae sunt a Prael. sine cons.* Cap. c. 7. X *de donat.* Clem. 2. cit. Pontificis insuper auctoritatem in parochiarum translatione ad Monasteria requiri, supra occupauimus VII. a)
- g) Sunt autem quaedam iuris canonici decreta, quibus simpliciter, ne per Episcopum sine Capituli auctoritate innouentur ecclesiae, caueatur, veluti: c. 1. X *de his quae sunt a prael. sine cons.* Cap. c. 2. *de reb. eccles. non alien.* in 6. Quae ne ad loca quoque religiosa et Monasteria, quae improprie ecclesiarum acceptione intelligi constat PARENS Ven. §. 458. (quum proprie

XI.

EIVSDEM LOCI CONTINVATIO.

Quamquam, si Scriptorum auctoritas et consensus per se aliquam vim habere possit, *uniuerse ac simpliciter* Episcopo *rum*

proprie et peculiariter hoc nomen ad ecclesias *parochiales*, (sive Capitulum habentes, sive eodem carentes, pertineat) referenda esse videantur, illud facit, quod non solum in verbis interpretandis cuiusque *proprietates* maxime spectanda est, verum etiam per singula iuris canonici decreta *propriam ecclesiarum* potestatem regnare, quam, nisi aliqua ratio *impropriam* significationem accipere cogat, sequi oporteat, neminem qui aliquam iuris canonici consuetudinem habet, fugere potest. Sed excutiamus ea ipsa, quae modo excitauimus, loca. Iam capituli 1. *de his quae sunt* etc. sententia est haec: „irrita erit episcoporum donatio, vel venditio, vel commutatio „*rei ecclesiasticae*, absque collaudatione *clericorum* „ (Cathedralis scilicet ecclesiae, qui eo tempore (sec. 5.) Episcopo erant loco Senatus ecclesiastici quamquam Capitula nondum constituiebant.) Quod concilii Carthaginensis IV. a 436. celebrati decretum hoc minus ad Monasteria referri potest, quod tum temporis loca religiosa nondum obnoxia erant Episcoporum potestati, v. A v v s Ven. L. c. l. 3. c. 35. §. 4. quibus illa demum subiecit Conc. Chalcedonensis a. 461. habiti can. 4. vid. c. 1. C. 16. q. 1. Vnde conficitur, quam Episcoporum nulla omnino eo tempore res Monasteriorum alienandi potestas fuerit, illud decretum de rebus ecclesiasticis sine Clericorum assensu non alienandis haud posse intelligi de Monasteriis. Enimuero reuocandum illud esse ad res ecclesiae Cathedralis, colligitur ex iis, quae ei in Conc. Carthag. (ubi canonum est 32) proxime antecedunt. Ita enim decernit can. 31. „*ut episcopus rebus ecclesiae, tamquam commendatis, non tamquam propriis utatur.* „ Sed neque c. 2. *de reb. eccles. non alien.* in 6. quo Praelati ecclesias sibi commissas, vel earum bona et iura sine capituli consensu in laicos transferre prohibentur, ad loca religiosa referri posse, ex eo patet, quod subicitur, *clericos eius ecclesiae*, cui aliquid detractum sit, si rei delationem omiserint, ab eorum, quae in ea ecclesia habeant, *beneficiorum* perceptione per triennium arcendos esse. Sed fac ad Monasteria decretum accommodari posse, pro Capitulo nihil inde effeceris, praeterquam illud, ipsius consensum Episcopo requirendum esse in rerum Monasticarum alienatione ad laicos. cf. VII. in f.

rum innouandarum adprobationem a Capitulo requirendam esse, confitendum sit. Nam, quos mihi quidem adeundi potestas fuit, ad

Sed confirmat sententiam nostram ipsius Concilii Trident. auctoritas. *Sess. eniñ 25. c. 8. de reformat, hospitalium aliorumque piorum locorum ad peregrinorum, infirmorum, senum, pauperum usum institutorum* ad alios pios usus translatio (etiã parochias adiuuctas illa habeant) Ordinario ita quidem relinquitur, ut duo Capituli membra, quorum deligendorum ipse potestatem habeat, adhibeat. Capituli itaque consensu in locorum piorum translatione opus non esse, concilii patres agnouisse ratumque habuisse apparet. Vnde probabili satis ratione conieceris, eosdem illos translationes quoque *Monasteriorum*, quae cum istis ad idem fundationum genus referenda sint, Episcopis, siue necessitate aliqua requirendi suorum Capitulum consensum, iure canonico permissas esse, existinasse. Sed illam decreti partem, quae duos Capitulares in consilium vocare iubet Episcopos, non ad alia innouationum genera transferri, posse inde intelligitur, quod, ubi quid praecipitur, quod ad iuris dioeceseani vim leuandam et circumscribendam pertineat, *extensivae* interpretationis genus sequi omnino fas non est. Omnino autem huius decreti vis aliqua esse nequit ad *Principes nostros ecclesiasticos* obstringendos, quandoquidem Conc. Trid. in iis, quae ad ipsorum iura minuenda et restringenda faciunt, haudquaquam *uniuersè* pro recepto per Germaniam haberi potest. NELLER in *princ. iur. publ. eccl. Cath.* p. 73.

Neque illud praetermittendum esse videtur inter eiusdem illius Concilii decreta esse locum, videlicet c. 13. *sess. 24. de reform.* ex quo, si modo iusta est interpretatio, quam sequitur illud Cardinalium consilium, cui proposita est huius Concilii interpretatio, Episcopo in *Collegiata ecclesia aliqua insigni* praebendus aliquas, reliquarum augendarum causa, suppressit opus non sit consensu Capituli Cathedralis. Est autem decreti sententia haec: ut in ecclesiis tam *Cathedralibus*, quam *Collegiatis insignibus* praebendarum tollendarum et vniendarum Ordinarius ita potestatem habeat, ut consensum adhibeat *Capituli*. Iam quum hoc ipsum Capituli nomen anceps et ambiguum esset; vel enim *simpliciter* intelligi poterat *Cathedrale* vel omnino *eius ecclesiae, cuius res nonentur*, Capitulum: Cardinales extremam hanc interpretandi rationem iudicio suo comprobauerunt. Quae ne iis, quas de ecclesiis Collegiatis siue capit. Cath. voluntate non innouandis supra exposita sunt, repugare videatur, in hoc ecclesiarum genere secernenda sunt duo: cum ipsum *Canonicorum collegium*, tum, quam hoc adiunctum habet, *ecclesiae parochialis*.

Atque

ad vnum fere omnes partes sequuntur Capituli a). Enimvero hi non omnes quidem satis sibi constare videntur: pars enim illud tamen Episcopo tribuit, vt, Capitulum si dissentiat, dummodo iusta innouandi causa interceiserit, vel illud ad consilia sua comprobanda *compellere* queat; vel eius omnino nullam rationem habere obstringatur b), qui quidem nihil Capitulo, praeterquam consilii auctoritatem, relinquere videntur: pars Capituli consensu tum opus esse negant, si non ipse Episcopus, sed ex eius auctoritate foundationis rectores innouationem suscipiant c); quo ipso illud Episcopo concedere intelliguntur, Capituli consensu eum posse supersedere, si ipsi cum ecclesiae innouandae praefecto de rebus nouandis satis conuenerit. Haec de scriptorum auctoritatibus.

Sed, tametsi Episcopis, foundationes vt rite innouasse videantur, non opus *omnino* est Capituli *assensu*, illud tamen ei tribuendum est, vt, si alicuius momenti sit innouatio, Episcopus illud in *consilium* adhibere teneatur. Illud enim cuique Episcopo ius canonicum omnino praecipit, vt in rebus *gravioribus* et ar-

E 2

duis

Atque haec, quod ad innouationem, loco habenda est ecclesiarum parochialium *simpliciter talium*, hoc est, Capitulum non habentium; illud vero Religiosorum sodalitiis accensendum esse videtur.

- a) Veluti: THILE l. c. c. 6. p. 31. GRAVINA in *infl. iur. can.* p. 149. AVVS *Veu.* l. c. l. 3. t. 5. §. 200. RAVTENSTRAYCH l. c. t. 1. §. 542. ESPEN l. c. T. I. p. 1. t. 8. §. 7. 8. Anton SCHMIDT l. c. T. I. c. 1. f. 7. §. 170. RIGGER l. c. P. 3. §. 262. EYBEL l. c. T. 4. p. 445. BAKTHEL de reb. eccl. non alien. Art. 3. §. 3. in Opusc.
- b) LEVRENIUS de foro *beneficiario* P. 3. l. 2. c. 1. qu. 914. n. 10. CORVINI de *benef. eccl.* l. 5. t. 10. n. 29. qui tamen rerum *Episcopatum et Capitularium* innouationem excipit Wolfgang SCHMIDT l. c. l. 3. t. 4. §. 31.
- c) REIFFENSTVEL l. c. l. 3. t. 13. §. 2. n. 25. nititur is c. 41. et 51. C. 12. q. 2.

duis Capitulum consulat *d*). Enimuero Episcopos eius consilii, cuius a Capitulo copia iis facta sit, auctoritatem haudquaquam sequi oportere, ex ipsa natura consiliorum, quae persuadendi, non obligandi vim habent, perspicitur *e*). Sed illud de Capitulo consulendo iuris canonici decretum, tametsi in eam aetatem, qua Episcopis, praeter Clerum cathedralem non essent proprii et peculiare consiliiarii, satis conueniat, ad nostrae tamen memoriae per Germaniam Principes ecclesiasticos, publicum et sanctius consilium habentes, cuius auctoritate in utriusque imperii, cum ciuile, tum ecclesiastici, partibus administrandis adiuuentur, haudquaquam posse accommodari, mutata arguit rerum et temporum conditio. *f*).

Quum autem hucusque de Capituli vel consensum vel consilium requirendi necessitate, quatenus illa Episcopo, quod ad foundationum innouationes, imposita fuerit a iure *communi* disputatum fuerit: restat, ut illorum quoque iurium, quae singularibus Praelaturis propria et peculiaris sunt, rationem aliquam habeamus. Quorum constituendorum quum varii sint modi, veluti Capitulationes, Comitiorum prouincialium decreta, usus et obseruantia: hoc quidem loco de *Capitulationum* vi atque auctoritate, quatenus de Capituli vel consensu vel consilio per Episcopum in foundationibus innouandis exquirendo praecipiant, quarendum nobis est: nam de reliquis modis, quin valeant, non est, quod dubitetur. Iam illud satis constat, pactionum istud genus, quo Capitulo cum Praelato recens a se electo de modo ac ratione
Praela-

d) c. 4. X de his, quae a Prael. sine Cap. Conf.

e) c. 7. X de arbitris.

f) Aves Ven. l. c. l. 3. l. 10. §. 6. STRYVEN l. c. p. 80. RIGGER l. c. p. 3. §. 232.

Praelaturam gubernandi conuenerit, Capitulationes igitur, hactenus tantum valere, quatenus legibus non repugnant, nec ad potestatem Episcopalem leuandam et frangendam comparatae sunt g). Atqui, quum Episcopus in rerum ecclesiasticarum innouatione ad Capituli nec *consensum*, si *uniuerse* quidem res spectetur, nec *consilium* per Germaniam saltem pro mutato rerum statu, exquirendum obstringi docuerimus: Capitulationis, quatenus his rationibus aduersa sit, nullam per se vim esse apparet. Neque iureiurando, ad quod iurandum pro seruanda capitulatione Episcopus adactus fuerit, illa, quae in iuris Episcopalis fraudem Capitulum sibi stipulatum fuerit, confirmari constat h). Est tamen vna ratio, qua Capitulationi Episcopi iuribus detrahenti, vis et auctoritas adiciatur, haec nimirum, si et *Pontifex Romanus*, et cuiusque reip. summus Imperans, per Germaniam itaque, quod ad Praelaturas immediatas, *Imperator*, rem ratam habeant.

Quid autem in Episcoporum nostrorum Capitulationibus de foundationum innouationibus cautum sit, de eo quidem in vniuersum nihil certi asserre possumus, at illud tamen coniectura nobis assequi videmur, earum Praelaturarum non paucas esse, in quibus Episcopus, quo minus rerum ecclesiasticarum quid per dioecesim sine Capituli auctoritate innouet (bona episcopalia et capitularia si exceperis) Capitulatione prohibeatur. Nam nec inter illa Capitulationum exempla, quarum copia nobis erat, vlla occurrebat, quae Capituli vel consensum vel consilium, praeterquam in istarum rerum, quas exceptas omnino esse modo diximus, innouatione i) requireret; nec Episcopo-

g) PARENS Ven. l. c. §. 506.

h) C. 27. X de iureiurando c. 1. eod. in 6.

i) Vid. e. g. *Factum et ius iuramenti episcopalis*, p. 105. 115. 321. 325. 357. et STRAVEN l. c. §. 28.

scoporum illi, quibus nuper per dioeceses suas Monasteria vel abolere, vel deminuere visum est, Capituli auctoritatem ea in re adhibendam sibi esse duxerunt. Nam et *Moguntinum* inconsulto Capitulo de Monasteriis abolendis statuisse, et *Hildesensem* quoddam Metropolis suae Monasterium, erat illud Carthusianorum religionibus addictum, repugnante etiam Capitulo in Clericorum seminarium transmutasse constat. Quin *Coloniensem* praeclearo consilio, rei scholasticae ut consuleret, vniuersis per suam dioecesim Religiosorum sodalitiis, inconsulto Capitulo, d. quidem 22 Iun. an. super. denuntiari iussit, ut binos vnumquodque scholarum publicarum praeceptores sua impensa sustentandos susceperet. Quod honestissimum consilium Colonienſe Capitulum adeo moleste tulit et grauiter, ut, licet ipsa Monasteria non repugnarent, actione apud Cameram imperii instituta, Episcopo litem moueret; quae quidem num ad exitum iam perducta fuerit, non habemus compertum.

Sed haec haecenus. Reliqua libelli pars ad eam ipsam rem, cuius causa tota haec disputatio instituta erat, declarandam pertinet. Est igitur orationis, ex more solenni, ut Professionem indulgentissime mihi delatam rite adiisse videar, publice habendae haec ratio, ut, quum *REGI AVGVSTISSIMO*, pro hoc ipso munere, quod *IPSIVS* indulgentiae acceptum refero, *REGIIQUE CONSILII SANCTIONIS COMMITIBVS ILLVSTRISSIMIS*, pro ea benignitate, qua suis me suffragiis ad hunc honorem perducere haud grauati sunt, gratias egero, de *Albinagio*, pro diuersa successionis hereditariae ratione nunc inſto, nunc iniuſto, verba faciam. Ut autem die constituta, huic solemnitati *PRINCIPES SERENISSIMI, PRORECTOR ACADEMIAE MAGNIFICVS, COMITES ILLVSTRISSIMI, VTRIVSQUE CIVITATIS PROCERES, COMMILITONES GENEROSISSIMI ET HVMANISSIMI* praesentia sua et frequentia celebritatem addere mihi que dicenti fauere velint ea, qua par est, humanitate et obseruantia, rogo oroque.